

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијски савјет

R J E Š E N J E
o nepostojanju zloupotrebe dominantnog položaja
privrednog subjekta BH Telecom d.d. Sarajevo

Sarajevo
novembar, 2010. godine



Broj: 01-05-26-028-63-II/09
Sarajevo, 04.11.2010. godine

Na osnovu člana 42. stav (2) i člana 11. stav (3), u skladu s članom 11. stav (2) Zakona o konkurenciji («Službeni glasnik BiH», br. 48/05, 76/07 i 80/09), rješavajući po posebnom Zahtjevu za donošenje rješenja broj: 01-05-26-028-62-II/09 od 18.10.2010. godine podnesenom od privrednog subjekta BH Telecom d.d. Sarajevo, Obala Kulina bana 8, 71000 Sarajevo, putem advokata Džemil Sabrihafizović, Koste Hermana 11, 71000 Sarajevo, Konkurencijsko vijeće je na 4. (četvrtoj) sjednici održanoj dana 04.11.2010. godine, donijelo

R J E Š E N J E

1. Smatra se da privredni subjekat BH Telecom d.d. Sarajevo, Obala Kulina bana 8, 71000 Sarajevo, zbog protoka roka za donošenje rješenja o utvrđivanju zloupotrebe dominantnog položaja iz člana 41. stav (1) tačka c) Zakona o konkurenciji, ne zloupotrebljava dominantan položaj u smislu člana 10. stav (2) Zakona o konkurenciji.
2. Ovo Rješenje je konačno i bit će objavljeno u «Službenom glasniku BiH», službenim glasilima entiteta i Brčko Distrikta Bosne i Hercegovine.

O b r a z l o ž e n j e

Konkurencijsko vijeće je dana 04.09.2009. godine pod brojem 01-05-26-028-II/09, zaprimilo Zahtjev za pokretanje postupka (u daljnjem tekstu: Zahtjev) podnesen od privrednog subjekta Akt.online d.o.o. Sarajevo, Fra Anđela Zvizdovića 1, A/21, 71000 Sarajevo (u daljem tekstu: Akt.online), putem punomoćnika Zajedničke advokatske kancelarije Marić, Mehmeda Spahe 22, Sarajevo, protiv privrednog subjekta BH Telecom d.d. Sarajevo, Obala Kulina bana 8, 71000 Sarajevo (u daljem tekstu BH Telecom) i privrednog subjekta Telekomunikacije Republike Srpske a.d. Banja Luka, Kralja Petra I Karadorđevića 93, 78 000 Banja Luka, radi utvrđivanja zloupotrebe dominantnog položaja, u smislu člana 10. stav (2) tačka a) ,b), c) i d) Zakona o konkurenciji (u daljem tekstu: Zakon).

Konkurencijsko vijeće je ocijenilo da bez provođenja postupka nije moguće utvrditi postojanje povreda Zakona navedenih u Zahtjevu, te je na osnovu člana 32. stav (2) Zakona donijelo Zaključak o pokretanju postupka broj 01-05-26-028-11-II/09 dana 16.02.2010. godine, a zbog sumnje o postojanju zloupotrebe dominantnog položaja u smislu člana 10. stav (2) tačka a), b), c), i d) Zakona.

Članom 41. stav (1) tačka c) Zakona je propisano da je nakon donošenja zaključka o pokretanju postupka Konkurencijsko vijeće dužno donijeti konačno rješenje o utvrđivanju zloupotrebe dominantnog položaja u roku od 4 mjeseca. U skladu sa članom 41. stav (2) Zakona, Konkurencijsko vijeće pomenuti rok može produžiti za dodatna tri mjeseca, što je i učinjeno Zaključkom o produženju roka za donošenje rješenja broj 01-05-26-028-48-II/09 od 14.06.2010. godine.

Članom 11. stav (2) Zakona propisano je da ukoliko Konkurencijsko vijeće ne donese rješenje u roku iz člana 41. stav (1) tačka c), smatra se da se zaključenim sporazumom odnosno postupanjem privrednog subjekta ne zloupotrebljava dominantan položaj. Na poseban zahtjev privrednog subjekta, Konkurencijsko vijeće u skladu sa članom 11. stav (3) Zakona donosi rješenje da zaključenim sporazumom, odnosno postupanjem privredni subjekat ne zloupotrebljava dominantan položaj.

Konkurencijsko vijeće nije donijelo konačno rješenje u zakonskom roku iz člana 41. stav (1) tačka c) i stav (2) Zakona.

Privredni subjekt BH Telecom je dana 18.10.2010. godine podnio Konkurencijskom vijeću Zahtjev za donošenje rješenja u smislu člana 11. stav (3) Zakona, koji je zaprimljen pod brojem: 01-05-26-028-62-II/09.

Postupajući po Zahtjevu za donošenje rješenja privrednog subjekta BH Telecom, a imajući u vidu naprijed navedeno, Konkurencijsko vijeće je konstatovalo da je rok za donošenje konačnog rješenja u smislu člana 41. stav (1) tačka c) Zakona protekao, te je u skladu sa članom 11. stav (3) Zakona donijelo odluku kao u dispozitivu ovog Rješenja.

Pouka o pravnom lijeku

Protiv ovoga Rješenja nije dozvoljena žalba.

Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objave ovoga Rješenja.

Predsjednik

dr. Stjepo Pranjić